

分別功德論卷中

失譯附後漢錄

謂二

佛告諸比丘者佛大慈欲令弟子具知念佛之義猶父約誠語子孫欲令成就無復已已專精念佛觀如來形目未曾離猶如阿難觀佛無厭心念無已時阿難背上患癰佛命耆婆治阿難所患者婆白佛不敢以手近阿難背佛告耆婆但治勿疑我自當與阿難說法令其不覺痛如來令阿難熟視佛相好佛爲說如來身者金剛之數不可敗壞三千二百福功德所成阿難目視不倦耳聽不厭心念不散時耆婆於阿難背上潰癰傅膏佛問阿難汝覺背上痛不答曰不覺不覺痛者由念佛故也十力所成四無所畏昔有長者將奴禮偷婆雲南謨十力世尊奴在後禮雲南謨十一力如來長者曰如來正有十力云何有十一力耶奴曰十一力復何苦但莫言九力言十一力更益一力有何過失大家默然而

歸問諸法師曰如來爲有幾力耶答曰或有三力或有十力或云無數以是言之不限於十耶長者即出家學道免奴爲家主言四非爲不足言無數非爲有餘適時應物無有常量也念法者從欲至無欲從欲至道從漏至無漏從有爲至無爲也何以知其然昔者世尊於優填王國說法教化時三十三天上爲母摩耶說法九十日而還於迦尸城北下時優鉢蓮華比丘尼心念欲獨前見佛時諸國王不見佛已九十四日皆有渴仰之情並來雲集我爲比丘尼不宜在此衆鬧之中當作方宜令得在先即化作轉輪聖王將從如聖王法諸小國王見聖王各自馳散比丘尼即還復本形見佛禮拜問訊諸王各來見佛不復見聖王乃知比丘尼所化謂比丘尼曰向者所見詎如此耶時優鉢蓮華心念自謂最先見佛佛告優鉢蓮華曰汝自呼最先見佛復有先汝者不審是誰佛言乃羅閱城東山中

須菩提在彼補衣天語曰佛來下已須菩提
曰我爲弟子法當往禮問覆自思惟佛爲所
在若金色是佛耶金復何限佛言一切諸法
空無所有若解十二因空非造非作非人非
士無命非命者則爲見法見法無命非命爲
見我即義手起喚曰婆南正爾還坐補衣以

謂二

是言之須菩提爲先汝見佛也佛者諸法之
主解了法空即是念法念衆者謂賢聖衆也
凡衆有若干種外道有九十五種亦各各有
衆或有和合者或有不同者亦以戒律自防
或行禪定或以無想爲盡妙各信所事自以
爲真但不得實聖八品道是以不能至涅槃

長者種或居士種四姓中有出家學者皆同
釋種爲一姓無有若干別名以是所包彌遠
其義彌深衆僧者乃含受於三乘羅漢僧亦
出於中緣一覺亦出於中大乘僧亦在其中
是故名爲良祐福田三界之中濟益衆生無
過此良美之地如來雖復成正覺常還向衆

僧懺悔者以僧地厚重三世諸佛緣覺弟子
無不由僧而得滅度猶梵摩達比丘賴聖衆
以全濟念戒者謂行淨戒具諸律儀猶若陶
家調繕埴泥俟諸求器大小方圓各適所欲
戒亦如是若願生天三界受福若欲斷結求
道所願應意猶吉祥鉢隨人所欲取即得之

謂二

耳雖復有五通住壽及無想延劫皆不免於
生死唯有如來聖衆四雙八輩之人不復爲
四駛所漂九止所擊耳故經云九十六種僧
佛僧最爲真如來四部衆皆同爲釋種喻若
四恒水各別有五百支皆合入大海以爲一
味衆亦如是或有利帝利種或婆羅門種或

財法時心不望報不計彼已以三事無礙即同無爲也若能捨結亦是涅槃捨與俱至涅槃者猶象逐健兒進之與退其於得肉進則破軍退則自喪食肉必矣念天者有三種天也有舉天有生天有清淨天云何舉天謂轉輪聖王爲衆人所舉所以名爲天者以聖王有十善教世使人皆生天在人之上故稱爲天或有說曰聖王勝佛何以言之聖王治世人無墮三惡道者佛出世時三惡不斷以是爲勝也或復說曰佛勝聖王所以言勝聖王以十善教世不過人天佛出教世得至涅槃以是爲勝也云何生天從四天王至二十八

天諸受福者盡是生天所以言生天流轉不息不離生死故曰生天也云何清淨天謂佛緣覺聲聞三人皆盡結使出於三界清淨無欲故曰清淨天也八淨居天者過於生舉不及清淨處其中間念天者之所慕也因念生涅槃念休息者謂得定也休息有二有俗休舉亦有至涅槃理何者舍衛城中有清信士夫婦二人無有子姪二人精進心存三寶時婦早亡即生三十三天爲天女端正無雙天中少比女自念言誰任我夫以天眼觀世間見本夫已出家學道年高暗短專信而已常以掃除塔廟爲行見其精勤理應生天必還爲我夫時處靜室夜坐思惟霍然見明怪其有異舉頭仰視見有天女問其所由從何而來天女答曰我從三十三天上來本是君婦今爲天女天上無任我夫者觀君精進應還爲我夫是以故來自意語訖忽然不見還歸天上時老比丘自是已後倍加精進兼更補繕故廟晨夕不懈積功遂多福德轉勝乃應生第四兜率天天女復以天眼觀之見其乃應生第四天復來語言積精進已過我界我不復得君爲夫語訖還去比丘倍更精進勝於前時晝則經行夜則禪思心意轉明思惟四諦如是不久遂得羅漢所謂因念天得至涅槃念休息者謂得定也休息有二有俗休

(謂二)

四

息有道休息俗休息者猶行作疲極小住懈
息故名爲俗休息道休息者謂定之人何以
知其然昔有比丘名曰等會時近大道邊坐
禪定意時有五百乘車過聲甚凶凶寂然不
聞時復天雷霹靂又頃復地大動都無所聞
行過者衆塵土坌衣積有時節有一人來見

此比丘端坐不動塵土坌衣都無所覺比丘
定覺斗擲塵土又問曰向者眠耶曰不也又
問若不眠者向有車過及天雷地動寂然不
驚何由如此答曰我時入休息三昧是以都
無所聞爾以是言之得休息定者雖復天地
覆墜不革其志故名休息定也念安般者謂
息諸坐馳也趣道之徑非唯一塗所悟之方
各有所在何以知其然耶身于昔曾供養十
四億佛從佛聞法未曾綜習安般至釋迦文
世從馬師比丘始達空法即見道迹佛具演
慧漏盡結解今爲智慧第一不由安般得至
涅槃也目犍連昔三十劫中供養諸佛修大

謂二

乘行不能終訖遭遇世尊退取盡漏自昔暨
今未曾習安般迦葉比丘昔亦曾供養三萬
漢馬師比丘昔日亦供養七佛亦不習安般
今亦盡漏阿難昔曾供養二萬如來所從諸
佛諮詢受法教亦不習安般唯有羅云摩訶劫
匹羅曩昔已來嘗習安般今亦至道以是言
之趣道之徑非唯一塗安般者知息長短冷
熱遲疾從麤至細漸御亂想遂至微妙或因
息以悟或分別解了或頭陀守節或多聞彊
記或神足識微或揩或訓悟所謂殊塗而同
歸也念身者謂分別四大也解了五陰同之
幻夢何以知之念身得至涅槃耶昔佛去世
後百歲時有阿育王典主閻浮提群臣夫人
象馬各有八萬四千時王巡行國界見閻羅
王有十八地獄亦有臣吏辟問罪囚王問左
右曰此何等人答曰此死人王也主分別善
惡王曰死人王尚能作地獄治罪人我是生

人王不能作地獄耶問諸群臣誰能造地獄諸臣對曰唯有極惡人能造地獄爾王敕諸臣訪覓惡人臣即行覓見有一人坐地織罽傍有弓箭兼有釣魚鉤復以毒飯食雀並織罽並釣魚射鳥捕雀臣還以狀白王惡人如是王曰此人極惡必能辦地獄事王遣人喚曰王欲見汝惡人曰我是小人無有所知王用我爲曰王正欲得汝治地獄事其人即歸家有老母語母曰王喚我母語兒曰王喚汝爲兒曰王欲使我治地獄事母曰汝去我云何活母即抱兒腳不放兒意欲去即拔刀斫母殺而去至王所王問曰母不放汝何由得來曰殺母而來王曰真惡人也必能辦地獄事即委此人作地獄城設鑊湯劍樹即拜此人爲地獄王與立臣佐各有所典如閻羅王王約敕曰若有人入此城者不問貴賤得便治罪王曰正使我入中者亦莫聽出時有老比丘名曰善覺常行乞食至此城門外見好

香華謂內有人即便入城但見治罪人驚怖欲還出時獄卒不聽出欲將至鑊湯道人求曰小寃我至日中又語頃有男女二人坐犯婦將來欲治罪置碓曰中擣之斯須變成爲沫道人見之始念佛語人身如聚沫誠哉斯言又頃復變爲白色復念人身如白衣聚變易不一如幻如化諦計非真即時意悟漏盡結解獄卒復催入鑊湯時比丘笑獄卒瞋恚使四人挾兩腋倒著鑊中即時湯冷比丘即化作千葉蓮華於蓮華中結跏趺坐獄卒驚怪白阿育王曰今獄中有奇怪事願王暫垂臨視王曰我先有要正使我入中亦不聽出我今那得入耶吏白王言但入無苦王即隨入見道人在蓮華上坐問曰汝是何人也曰我是道人道人語王汝是癡人王曰何以名我爲癡人也道人曰汝本作童子時以一把土上佛佛受呪願言汝後當王闍浮提作鐵輪王名阿育一日之中當起八萬四千佛圖

此獄是佛圖耶王意即悟便悔前過以善覺爲師於是罷獄興福起八萬四千圖廟以是言之念身得涅槃此其義也云何念死得至涅槃昔阿育王奉法精進常供養五百衆僧於宮內四事無乏兼外給五百乞食阿練復送五百人餉就供養之復於四城門中給諸

謂二
七

窮乏供養遂久財寶轉減時第名修伽傭路不信三尊大臣耶舍夫人善容亦同不信三人同心患王數數諫曰供養道士空竭國財何用是爲王曰汝好護口夫士處世所以斬身由其惡言也修伽傭路白王曰此諸道士並是年少饒膳恣口情欲熾盛而處深宮婦女之間豈可信乎王答曰道士制形以法自防節身守禁不爲色欲所屈也修伽傭路後出行獵見有群鹿中有一人張圍捕之得人問曰汝是何人曰我年八歲時失父母逃在山中爲鹿所乳遂至于今復問曰鹿無乳時何所噉食曰我隨鹿噉草葉以自濟命又問

曰頗有欲意不曰有遂便將歸以狀白王曰此噉草人身形羸瘦尚有欲情況諸道士飲食恣口身體肥盛豈無欲情乎王心念曰當何方便化此第乎即設權謀詐欲出遊大集人兵嚴政外出王盜還入隱而不現王先與諸臣議若我出後便舉爲王諸臣即勸試著王服詐佯不肯諸臣曰但作我等當着即著天冠王服咸稱萬歲左右侍立如聖王法阿育王見其已定便從外來曰何如大王第見王慙赧莫知所如阿育王曰我暫出遊卿等云何便作此事我鐵輪不在那何乃如此縱橫耶我殺汝斯須間爾即命諸臣收檢桎梏密遣信白道人善念此意當來救請正欲殺汝念汝作王日淺未得恣意今且假汝七日作王如我王法群臣侍從宮人妓女飲食進御恣意七日當就極法即如教施行雖滿七日無心自歡道人來請持鉢執錫詣王宮門王問曰道人何所欲也曰欲乞死人王曰此

罪人應死不得乞道人道人重曰但乞道人當使學道王曰問此人能學道不道人即問今乞汝作沙彌能不答曰正使作奴猶當不却況復沙彌王曰作道人難爲審能不道人法當麤衣惡食趣支形命行道而已汝憒優樂何能堪此苦行耶答曰尚當死豈不堪苦

謂二八

行耶王曰若堪者聽使七日乞食王令宮內修伽妬路來乞時與極惡食餘殘穢臭者即使著弊衣造諸房乞食廁廁皆得惡食以免死之情重甘心食惡食滿七日已王見其無悔恨即聽爲道汝常言道人閑樂多情難信汝所乞食故在我宮內猶尚精細道人乞食又甚於此所食如是豈可有情欲乎即付善覺爲沙門王遣使至石室城於彼城中行諸禪觀或在冢間或在樹下時在冢間觀死屍夜見有餓鬼打一死屍問曰何以打此死屍耶曰坐此屍因我如是是以打之爾道人曰何以不打汝心打此死屍當復何益也須臾

頃復有一天以天文陀羅華散於死屍道人復問曰何以散此臭屍爲答曰我由此屍得生天上此屍即是我之善友故來散華報往昔恩爾道人曰何以不散華於汝心中乃散此臭屍華爲夫善惡之本皆心所爲汝等乃復捨本取其末耶時修伽妬路自念我從死

得活由是因緣當得解脫於是觀身念死思惟分別解了無常苦空非身即得羅漢以是言之念死者亦至涅槃

如來所以廣爲四部各各說第一者乃爲將來末世遺法之中或有四姓外學梵志及四弟子共相是非自稱爲尊餘人爲卑如是之輩不可稱計故預防於未然故開自足之路

謂二九

爾今稱拘隣爲第一者以其釋種豪族王簡遣侍從勞苦功報應叙是第一又復初化受法無能先者亦是第一善能勸導將養聖衆先受善來之稱復是第一人中所歸仰遮迦越爲最光明之中日爲最星宿中月爲最萬

川中海爲最四天王中提頭頰爲最三十三
天中釋提桓爲最欲界六天中波旬以爲最
色界十八天淨居以爲最九十六部僧釋僧
以爲最九十六種道佛道爲上最拘隣比丘
等五人中爲最以是言之拘隣爲第一優陀
夷比丘勸導以爲最比丘皆勸導所以稱最
者佛將還度本國先遣現神變與王相詘酢
一一解釋人所度不可計故稱勸導最也摩
訶曇比丘利根捷疾餘比丘皆漏盡成神通
此比丘漏未盡已成神通故稱第一凡乘虛
者皆以神足此比丘能行空如履地是善肘
比丘之所能也故稱第一也目連神足默往

天上佛涅槃後迦葉鳴捷椎大集僧衆命阿
那律遍觀世界誰不來者那律即觀世界盡
來唯有橋須洹比丘今在天上即遣善覺命
召使來善覺到三十三天見在善法講堂入
滅盡定彈指覺之曰世尊涅槃已十四日迦
葉集衆遣我相命可下世間至衆集所橋須
洹答曰世間已空我去何爲不忍還世欲取
涅槃即以衣鉢付於善覺還歸衆僧便取涅
槃以是因緣善處天上故稱第一善勝比丘
者本是貴族之子初生之時有自然金屣著
足而生父母珍之爲起三時殿伎女娛樂不
去左右時婦睡眠覩其白齒身形雖妙但是
謂二十

異刹婆破比丘神足陵虛聲震遐邇能攝伏
外道故稱第一牛脚比丘者以二事不得居
世間何者此比丘腳似牛甲食飽則嗣以是
二事不得居世若外道梵志見其嗣者謂沙
門食無時節生誹謗心是以佛遣上天在善
法講堂坐禪定意善覺比丘常爲衆僧使至

優留毗迦葉所以稱第一者乃宿世已來弟兄三人常有千弟子相隨今遇釋迦文佛世佛以十八變度迦葉千人佛衆得成四事供養猶此而興以是言之優留毗迦葉能將護聖衆供養第一也江迦葉所以稱第一者佛爲說法一心聽受精義入神諸結消盡德實內充乃徹骨髓故脂髓外流狀似汗出以是言之意寂然能降諸結故稱第一馬師比丘者從佛受學方經七日便備威儀將入毗舍離乞食於城門前遇優波提舍遙見馬師威儀庠序法服整齊中心欣悅問曰君是何等人曰吾是沙門曰君爲自知爲有師宗耶曰有師師名爲誰云何說法答曰吾師名釋迦文天中之天三界極尊其所教誨以空無爲主息心達本故号沙門優波提舍聞此妙語即達道跡提舍同學本有要誓先得甘露者當相告示即辭馬師至拘律陀所拘律陀見來顏色異常疑得甘露尋問得甘露耶曰

(謂二)

得也甘露云何甘露者達諸法空無也拘律尋思復得道跡馬師所以威儀第一者以宿五百世爲獮猴今得爲人性猶躁擾出家七日即改本轍學雖初淺善宣尊教使前覩者悅顏達教以威儀感悟故稱第一身子所以稱智慧第一者世尊又云欲知身子智慧多少者以須彌爲硯子四大海水爲書水以四天下竹木爲筆滿中人爲書師欲寫身子智慧者猶尚不能盡況凡夫五通而能測量耶故稱智慧爲第一目連所以稱神足第一者世尊亦說有證昔日三災流行人民大飢目連心念此地下故有曩日地肥在中今人民大飢意欲反此地取下地肥以供民命念已白佛今欲以四神足反地取下地肥以濟民命不審可爾已不佛言止止目連汝神足雖能反此無難那中衆生何以一手執蟲一手反地佛言不可所以然者後世比丘多無神足設後有飢時國王臣民命沙門反地若不

能者謂非沙門以是神足證故稱目連爲第一二十億耳比丘所以稱苦行第一者昔占波國有大長者生一子端正姝妙足下生毛長四十未曾躡地所以足下生毛者昔迦葉佛時爲大長者財寶無極爲衆僧起精舍講堂訖以白氈布地令衆僧蹈上由是因緣故得足下生毛所以字二十億耳者生時自然耳中生寶珠價直二十億即以爲稱時鉢沙王聞其竒異欲與相見故命令來計道里十五日行乘車而來將欲下車輒布氈在地然後行上既到王所王命令坐勞問訖聞能彈琴即命使彈之相娛樂訖共至佛所時佛與大衆廣說妙法見佛歡喜頭面禮足佛命令坐聞法欣悅即求出家佛然其出家之志即爲沙門勇猛精勤經行不懈肌肉細軟足下傷破經行之處血流成泥積行遂久漏猶未除疲憊心生欲還白衣我家錢財自恣廣爲福德且免三惡佛知其念忽然於前從地踊

渭二

十二

磧砂大藏經

分別功德論

出間比丘曰汝本彈琴時急緩衆絃得成妙曲不答曰不成若不緩不急絃柱相應得成妙音不答曰曰得成佛言行亦如是不急不緩處其中適和調得所乃可成道爾思惟佛語心豁開解便成羅漢以是因緣故稱苦行第一也阿那律所以稱天眼第一者時佛爲大會說法阿那律在座上眼佛眼見其眼謂曰今如來說法汝何以眼耶夫眼者心意閉塞與死何異那律慚愧剋心自誓從今已後不敢復眠不眠遂久眼便失明所以然者凡有六食眼有二食一視色二睡眠五情亦各有二食得食者六根乃全以眼失眼食故喪眼根佛命耆域治之曰不眠不可治已失肉眼無所復覩五百弟子各棄馳散情人貫鍼捫摸補衣線盡重貫無人可倩左右唱曰誰欲求福者與我貫鍼世尊忽然到前取來吾與汝貫問曰是誰曰我是佛也佛已福足復欲求福耶曰

福德可獸耶那律思惟佛尚求福況於凡人耶心中感結馳向佛視以至心故忽得天眼以得天眼復重思惟便得羅漢凡羅漢皆有三眼肉眼天眼慧眼那律正有二眼慧眼天眼也三眼視者亂肉天爭功精麤雜觀故曰亂也那律專用天眼觀大千世界精麤悉覩

謂二十三

別形質中有識無識皆悉別知天人所見有淨不淨極淨觀者見世界中諸有形類有識無識見皆動搖疑謂是蟲而非蟲也不淨觀者見飯粒動皆謂是蟲優劣之殊有自來矣以是言之天眼第一離越比丘坐禪入定所以稱第一者昔波斯匿王請令坐禪在一樹下時王請入宮食經歷六年不他周旋正欲移在他樹樹神不聽以何爲驗將欲移時樹神便散華供養以是爲驗知其不聽何以知其意無他念時拘縲羅來至離越所曰何不坐好樹下坐此枯樹爲答曰名仁四辯第一能分別法義及以應辭不審分別枯樹是何

辯中耶自我坐此已向六年不別生枯仁者方至而便分別耶王請入宮日日供養使諸天人各自當直六年以滿布施發遣當達親時不識主人字王曰六年受請不識人名何定乃爾答曰我樹下坐尚不知樹枯生況識人字耶供養禪福其德至淳隨王所願可至涅槃福田之良也故稱樂禪第一也他羅婆摩比丘勸率施主齋講者佛委僧事分部所宜契經契經一處毗尼毗尼一處大法大法一處坐禪坐禪一處高座高座一處乞食乞食一處教化教化一處隨事部分各使相從若有檀越來請者以次差遣不問高下若有私請者不聽在此例時檀越請盡六群比丘次值貧家懷恨而還向佛怨言摩羅見欺自受好處見遣貧家豈是平等耶佛命摩羅卿實爾耶答曰不也于時無食日欲蹉中便和牛屎飲以當齋聞六群語無以自明即於佛前吐此牛糞漿六群慚愧二人感結漏盡二

人還爲白衣二人面孔出沸血命終墮阿鼻
也齋講者齊集部衆綜習所宜善能勸成故
稱第一也小陀羅婆者主立房室興招提僧
共成其功不復別稱也賴吒婆羅比丘所以
稱豪貴者是王者種爲人聰明博達少好追
學聞佛出世開化愚蒙即詣祇洹精舍聽采
謂二

十四

法言聞教入神思欲出家歸白父母父母不
聽心自惟曰一切衆生盡是父母豈獨二人
是耶念已便至佛所求爲沙門佛問父母聽
不曰不聽也兄爲國王復白王求爲道王亦
不聽心中思惟要作方便出家爲道父母正
有一子不欲離目前斯須之間索一獨榻坐
父母前不飲不食經六日父母惶怖懼殺其
子若殺此兒者用此死兒爲聽當放之爲道
與兒要曰今放汝爲道當數還歸父母已許
便至佛所問曰聽汝耶曰已聽佛便命曰善
來比丘手摩其頭鬚髮自落如剃髮七日者
袈裟著身便成沙門爲說四諦便成羅漢以

本要故尋還歸家著衣持鉢在門而立時婢
洮米將欲棄泔舒鉢索飲婢舉頭視知是大
家便入白曰即君在外父母欣悅審是兒者
放汝爲良人即出迎入爲設餚饍曰日時已
過法不應食父母曰今日已爾明日早來即
還所止還去之後父母約敕諸婦兒明當來
沒等好自攤嚴女容服飾各盡妙伎能使我
兒還爲白衣者於汝大佳復敕藏吏出諸珍
寶金銀七寶各各別聚冀兒意動還染於俗
明日食時執鉢而還就座而坐訖諸婦采女
各設姿態或散華香或拂衣捨華婆羅曰諸
妹何足煩勞耶諸婦念曰持我等作妹者將
謂二

十五

無還理語父母曰用此寶物爲此但誤人爾
由是致災禍何不棄之於山澤耶父母諫曰
道德在心何必出家質多長者亦在家得道
曰未聞在家得漏盡者質多所得猶有一生
分在何足爲貴耶雖復豪珍美玉棄之若遺
故稱出家第一也迦旃延所以稱善分別義

者將欲譏法心中惟曰人間憒鬧精思不專故隱地中七日譏集大法已訖呈佛稱曰善哉聖所印可以爲一藏此義微妙降伏外道故稱第一又復稱第一者世尊至釋迦國坐一樹下執一杖釋種咸來觀佛往棄我女相好勝前今意復云何答曰意者不著世間不染於俗梵志曰善哉受解還去後諸比丘不解此語問迦旃延佛稱仁者辯才析理解義第一世尊所答梵志不染不著者其義云何時迦旃延即爲解說比丘當知眼緣色起痛緣痛起想緣想來往生識分別起染著心於此染著永已捨離諸比丘聞說此語意猶快然迦旃延觀諸比丘意不了即引喻曰有人於此欲求牢固之物反捨根本而取枝葉爲得牢固不得也君等亦如是佛近在此而反見間豈非捨本取末耶諸比丘即往問佛稱迦旃延所解如是不審理應爾不佛答曰如迦旃延所說等無有異以是因緣復

稱第一君頭波歎所以稱行籌第一者凡籌者記錄人數知爲誠實以不答誠實受籌則得其福虛妄受者罪積彌天漢言曰籌天竺爲舍羅舍羅者亦名壞盡福則罪盡罪則福盡也何以知其然耶昔阿難於祇女外適尼犍國問佛可爾不佛言宜知是時往必有益女既到邊請世尊佛知其意即默然受請敕阿難曰明當受釋摩男請鳴椎集衆行神通舍羅時上座君頭未得神通聞行籌請自鄙未得神通顧惟形影在衆座首由老野狐在紫金山進退惟慮正欲受籌不在通例正欲不受居爲上座八歲沙彌尚得神通積年之功而無所獲計惟如此何用存焉感結受籌還授之間霍然漏盡若以虛妄受籌者人身有九十萬毛孔以此爲數不得受如此之數人身也若以精誠受者即可得漏盡之證以此上座可爲明證所以復爲上座者以善能說法適可衆人衆所推舉故爲上座坐以是

渭二

十六

因緣故故稱上座受籌第一所以稱賓頭盧能降伏外道者毗舍離城中有質多長者每患六師貢高自大言瞿曇沙門自稱爲尊當與其搃伎若彼現一我當現二如是轉倍至三十二時長者普請內外僧供養訖立大幢高四丈九置旃檀鉢於上唱言其能引手取

此鉢者便得第一時賓頭盧心自念曰今當現神足令六師等默然降伏又念曰世尊常誠諸弟子不得現神足若今不現者懼彼永以得罪若現者懼違尊教俛仰不已便現神足伸手取此旃檀鉢騰在虛空遶城七匝還在座上謂諸比丘志曰卿等復現其一也六師默然時大鬼將軍名曰半師謂六師曰徒現其二時六師徒衆莫知所湊以是言之知賓頭盧降伏外道最爲第一也所以稱識比丘瞻病爲第一者時祇陀精舍有一比丘疾病因篤久寢牀褥脊下蟲出呻號終日佛與諸比丘案行房舍見此比丘困篤如是問曰有

謂二

十七

人瞻視汝不曰無也又問曰汝先時頗瞻視他病不答曰不也佛言汝不視他病云何欲望人看也於是如來襞僧伽梨自手摩搣爲其湔浣時天帝釋亦來佐助世尊瞻視病人於是病比丘蒙世尊恩即得除愈佛告諸比丘自今已後若有病者當相瞻視時世尊顧謂諸比丘誰能常瞻視病者唯有識比丘爾識比丘常以五事瞻視病者云何爲五分別良藥亦不懈怠先起後卧恒喜言談少於睡眠以法供養不貪飲食堪任與病人說法是謂識比丘以此五法瞻視病人未曾有不瘥者所以者何此比丘乃前世時曾五百世爲醫善解方藥聽聲察色知病根源兼以四事瞻養病者以是因緣稱識比丘瞻病第一也所以稱鵬耆奢比丘能造偈頌者此比丘前爲長者子時爲人天才聰明觸物讚頌時出行遊遇一伎家女形容端正世之希有覩之情欣便欲納之歸白父母啓以所見願父母

爲我娉索不父母不悅卿族姓子如何改娶
毀先人風其子意猛復重啓白若不爲我納
者不能存世父母見子言重不忍呵制便言
隨汝非我所知即自遣人與女家相聞女家
是伎種唯伎爲先便答來使曰不貪居財唯
能衆伎兼備者便持相與鵬耆聞之即詣伎
工學於諸伎不經數旬衆伎兼備復重遺信
所學已備便可相惠主人答曰若伎備者當
詣王試時在正節王集衆伎普試藝術若最
勝者賜金千兩王亦聞此女妙欲納之宮裏
試伎之法緣幢爲量堅幢高四丈九尺下置
刀劍刃皆向上間趣容足時鵬耆緣幢於上
空旋七匝便下投之空地王懼失女詐佯不
視人皆言妙王言不見若審妙者更復爲之
鵬耆念曰若不順王教者必失此女規一果
情鵬耆冒死後緣旣至幢頭顧視女面心自
惟曰何坐此人乃至斯困心懼形慄恐不自
全女人虛妄何用此爲佛知此人必可濟度

渭二

十八

若不救者當墮三塗告目連曰汝以神足救
彼危厄目連奉教即往現變於虛空中結加
趺坐復於幢下現七寶階餘人不見鵬耆獨
覩徐於梯間七匝而下神力所接內安外危
王與衆人甚爲竒異王手自牽女以付鵬耆
鵬耆曰不用此虛詐之物誑惑世人迷誤清
真亡國破家莫不由之即尋目連往詣世尊
世尊告曰善來比丘便成沙門爲說四諦即得
應真喜情發中而形於言便作頌偈讚於世尊
清淨十五日 五百比丘集 已斷諸結使
仙人不受習 猶如轉輪王 群臣普圍遶
四海及輿地 所典無有表 降伏人如是
導師無有上 將護諸聲聞 三明壞結性
一切世尊子 無有塵垢穢 已破愛欲網
今禮星中月

以是因緣稱鵬耆奢能造偈頌讚如來德爲
最第之所以稱拘絺羅爲四辯第一者凡聲
聞四辯不必具足或有法辯而無義辯或有

義辯而無法辯或有應辯而無辭辯或有辭辯而無應辯拘繩羅盡具此四辯舍利弗迦旃延亦有四辯所以不稱爲最者身于自以智慧爲主迦旃延自以譏集爲主故各不稱四辯爾雖復四辯亦不及拘繩羅拘繩羅但辯一句之義七日不盡況復四辯豈可計量

謂二

十九

乎以此事故爲四辯第一所以稱難提比丘乞食第一者餘比丘雖復乞食或不具戒或有貪心或左右顧視心不專一或避寒暑然此比丘當乞食時都無此事乞食既精施者福多今故引喻以况大小有人問射法一人射百步懸毛一人射地塵出何者爲難答曰懸毛爲難雖射而不著地此不足言也若施乞食若施衆僧何者爲大施真阿練喻中懸毛施不得真渝其射空其事雖難有得有失箭著地者喻施衆僧射毛雖精有失者多射地雖易未曾失地福田地厚故無增減阿練精麤故有得失難提得精故稱第一也所以

稱施羅一坐一食者此謂頭陀一行也夫阿練法或乞食或坐樹下或閉居獨處今此一坐一食者從早起至日中若擅越施食不問多少其於一處坐食而已若食未飽坐未移者可得更食若已起者不得復食常一處食而不捨離故稱施羅爲第一所以言金毗羅比丘者常行七家乞食不得過七所以然者立誓限七故也乞食時欲福慶衆生專心念道無有貪想若得好惡不以增減隨次乞食不擇貧富若一家二家得食時更有布施者足則止不足便受若至七家不得食者便還所止思惟行道不念明日當至某家不至某家都無分別之想故名七家沙門也還則靜坐斂心在道故稱金毗羅於七家乞食爲第一也堅牢比丘者以常居山澤閑靜之處爲行難提比丘常以乞食耐辱爲行金毗羅比丘以七家乞食爲行施羅以一處食爲行十二頭陀各居一行浮彌比丘者守持三衣不

離食息或曰造三衣者以三轉法輪故或云爲三世或云爲三時故故設三衣冬則著重者夏則著輕者春秋著中者爲是三時故便具三衣重者五條中者爲七條薄者十五條若大寒時重著三衣可以障之或曰亦爲蚊蠅蟆子故設三衣以是緣故常持不忘故云

謂二二十

第一所以稱婆差比丘者本在家時常以家爲患出家求道常在露坐若入房室常若氣閉如似掩口是以常求露坐思惟行道然後身體調和氣息通暢行道無礙以是因緣稱婆差露坐第一所以稱狐疑離越常處樹下者在凡夫地欲求禪定更在樹下依倚繫意以除縛結餘比丘亦在樹下坐禪所以不稱者以其不能一聞而自專思此比丘一聞佛教即能履行專意不捨六年盡結前離越者樂遊禪定行止不異樂習事殊故各稱第一所以稱多索比丘樂空者此比丘入屋解內空出屋解外空內空喻識外空喻身入屋

達識空出屋解身空已了內外空諸法亦如是此比丘聞說空教戢在心懷入屋見空即達身識餘比丘者結盡然後達空空心難獲貴其先得故稱第一所以稱尼婆比丘五納爲上者此比丘觀身穢漏三十六物無可貪貴厭賤此身故以賤物自障或說曰夫衣有可親近者不可親近何者可親近著惡衣令人羞慚自愧是可親近著好衣令人自大奇雅是不可親近弊衣助行是以著五納此比丘善能內外相況故稱第一所以稱優多羅比丘常樂冢間者此比丘阿難弟子也先師得道心自念曰此身流轉無處不更在天上時服御自然今已捨棄若在人中爲轉輪王七寶導從亦復過去或在畜生恒食草棘此爲對諸此罪形皆以過去今得人身齊是分畢古今所遺皆是棄物幻色之形無一可貪俱當棄捐便止冢間復念曰正欲在樹下山

謂二二十一

澤皆生民所貪唯有冢間人所不樂是以居之冢間所樂唯有鬼爾兼有狐狼鳥鴟之屬今當入慈三昧以濟彼類以是故復居冢間以是因緣常樂冢間不處人中故稱第一所以稱盧醯竈比丘恒坐草褥第一者此比丘常坐草褥除去愛心云何除愛雖復金牀玉枕都無愛著或復說曰若有人施妙座者亦如施草座無異愛心既盡諸結亦盡便手執草向草作禮有人問曰何以向草作禮答曰我因此三榮飾心盡得道由之即是師故向作禮爾五百獮猴得生天上亦以天文陀羅華散於故屍由屍生天故來散華夫貴者必以賤爲本以是因緣稱坐草褥爲第一所以稱優鉗摩比丘不與人語視地而行第一者此比丘常患口過將欲改之自思惟曰正坐此口生天人中三塗地獄啾吟喚呼困憊五道更苦無量我今當如慕魄太子結誓不言四過三殃何由而生旣便不言端視而行

佛奇其能爾每向諸比丘稱義其德語阿難曰如此比丘宜存識錄以率來薄以是因緣稱之第一所以稱一心比丘三昧第一者此比丘昔曾習定研麤至精今定功旣立行若遊塵坐而自忘忘想忘理足其喻如何猶如有人食百味食意已飽滿更無食想雖復行步進止蓋感而後應白而後動爾依定立字故曰坐起行步入三昧第一也所以稱曇摩留支好遠遊第一者其事有由佛在世時有一長者字曇摩留支來至佛所禮訖問訊佛言曇摩留支別來大久乃能相見有人問佛不審何以言別來大久世尊答曰汝欲知之

謂二

二十二

耶答曰欲知佛言我昔阿僧祇劫時世有一佛名曰綻光我時爲梵志字曰超術時綻光佛方欲入城我即中路相逢見佛光相暉布即嘆曰世尊光相明踰日月世尊德者乃隆二儀世尊心者仁過慈母顧惟形影無以供之今正是時福田良美可以植根見地少泥

恐汚佛足即解髮布泥上令佛蹈而過佛即記曰汝勇猛乃爾却後阿僧祇劫汝當作佛字釋迦文時邊亦有一梵志即起惠心曰此人與畜生無異乃蹈他頭髮上過去也從是已來阿僧祇劫常墮畜生中復在大海中爲魔竭魚身長七千由延時有五百賈客乘船入海采寶值此大魚翕船垂欲入口五百人惶怖各稱所事時賈客主語衆人言今世有

佛名釋迦文濟人危厄無復過是我等稱名冀蒙得脫即便齊聲稱嘆魚聞佛名本識猶存即自惟曰釋迦文佛已出世間我身云何故在魚中即還沒水五百賈客安隱而歸時魚即半身出沙灘上不飲不食經二七日命終生長者家作子字曇摩留支今方來得與吾相見是以稱之久遠爾留支聞比本末即向海邊求故屍見海邊有大魚骨皮肉已盡便行脇骨上思惟言此是我故屍即以華散故屍上尋惟即往忽然道成以是因緣稱遠

遊第一也所以稱迦渠比丘集衆說法第一者此比丘音辭朗達聲震遐邇其聞音聲集衆無數即爲演說法奧羨之業諸人當知如來出世難可值遇四諦甘露亦難得聞諸人曼時當思惟真諦除去十二牽連之縛可得涅槃此比丘恒助佛揚化常以此教未墜於地以是因緣稱集衆說音聲第一也

分別功德論卷中

渭二

潰 蒲門 **癰** 上玄決也對反 **一** **偷婆** 亦云塔婆今南謨 **歸**
義也或云南無
曩謨皆一義也
別云繕埴上時扇反治也下常力
和南繕埴反土也治土爲瓦器也
訖 同音信 **訊** 問一也 **婆南** 此譯云
禮也
坌 反魚 **抖擗** 斗叟暨今上其既反僻疋亦纖罽居下 **謂** 二
例反魚 **碓** 下音對 **挾** 胡帖 **餉** 時向
反 **迸** 少諍 **慚** 下女板反 **桎梏** 上音詩亦 **躡** 面赤也 **躡地** 上尼
楚反 **捷疾** 葉反肘 **知** 柳同音 **躡** 反械扭別名也
之反 **禁** 姿態代 **齒** 作喎 **躡** 反 **湊** 倉奏
亡反 **摩** 扶反 **捺革** 牒反 **俛仰** 免字音反 **湊** 反
反 **捨** 耐效代 **拘繩** 倚音

戢阻立烏鵲下反及鹽簾下反定奴鉗摩上巨兼反因憊
拜下蒲翁許反及沙潭下音但字

分別功德論卷下

渭三

失譯附後漢錄

所以稱婆拘羅壽命極長者以曩昔曾供養六萬佛於諸佛所常修慈心蜎飛蠕動有形命類恒加愍愍無有毫釐殺害之想由是慈福今獲其報佛告阿難如我今日皮身清淨

無過於我猶如蓮華不著泥水正壽八十不如婆拘羅壽百六十者如來隨世欲適衆生不現其異故壽八十婆拘羅者受前宿世慈心之福故得年壽加倍之報或但問以慈之心便獲如此之壽耶復更有餘乎曰有昔毗婆尸如來出世時有十六萬八千比丘遊行

教化時有長者居明貞修稟性良謙不好飲酒時歲節會少相勸勉薄飲少多輒以酒勢行詣世尊禮拜問訊訖便請佛及諸弟子願受我九十日請比丘疾病者皆詣我家而取醫藥所須之物皆來取之語訖還家約束家內曰我已請佛及諸弟子四事供養皆當辦

具約束竟便睡眠久還覺其婦白曰君先約束嚴辦供具而今默然所以得爾長者驚曰我向何所言說耶婦曰君未眠時無所說耶曰我不省有所說婦曰君先言我已請佛及諸弟子供九十日所須短乏不作是語那長者思惟曰酒之誤人乃至於斯已爾慚愧便當即請明日清旦於舍燒香遙請世尊有一比丘來索藥長者問曰何所患苦答曰患頭痛長者曰此必萬上有水仰攻其頭是以頭痛余即施一呵梨勒果但服此藥足消此患比丘服藥病即除愈緣是福報九十一劫未曾病患生長者家年至八十出家學道經八